



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Petiti Philosophi & Doctoris Medici, Miscellaneorum Observationum Libri quatuor

Petit, Pierre

Trajecti ad Rhenum, 1682

Cap. V. Locus Aristotelis initio Naturalis Auscultationis aliter citatus a Galeno, quam in nostris libris exstat.

urn:nbn:de:hbz:466:1-13245

sum naturæ rerum cupidis qui non legerunt, vifant
lib. 4. de *Partibus Animalium*, capite 6. & 10.

CAPUT V.

*Locus Aristotelis initio Naturalis Auscultationis
aliter citatus a Galeno, quam in nostris libris
exstat.*

Hunc locum ita exprefsum habemus. Ὡς πᾶρ
γὰρ κὶ τῷ γεωμέτρῳ ἐκέτι λόγῳ ἔστι πρὸς τὸν ἀ-
νεμόναι τὰς ἀρχὰς, ἀλλ' ἦτοι ἑτέρας ἐπιστήμης,
ἢ πασῶν κοινῆς ἕτως οὐδέ τῳ περὶ ἀρχῶν. Quæ
sic Latine converti pofunt: *Quemadmodum
enim Geometra non est amplius disputatio aduersus eum, qui
Geometria principia evertit: sed hæc disputatio aut alterius est
scientia, aut omnium communis: sic nec cuiquam de principis.*
Ita enim istud, τῳ, ita scriptum sine accentu, verten-
dum est: non autem ut vulgatæ horum librorum versiones
habent, *ei vel illi, quæ de principis.* Ut omnibus non im-
peritis Græcæ linguæ notum est, Sensus est: sicut Geo-
metræ non est ad eum ratio, sive disputatio; qui tollit
principia: sic nec cuiquam de principis, *supple,* scientiæ
quam profitetur, est disputatio. Quin hæc vera sit lectio
hujus loci nullus dubito, cum & bonum sensum exhibeat,
& per omnes libros obtineat.

Non tamen silentio præterire possum, aliter a Galeno ci-
tari hunc locum lib. 1. περὶ στοιχείων: hæc sunt Galeni ver-
ba: Ὁ γὰρ ἀντιλέγων τοῖς ἀναιρέσιν ἡστινοσοῦν τέχνης τὰς
ἀρχὰς, ἔχ' ὁ τεχνίτης ἐστὶ τῆς ἀναιρεμίδης τέχνης, ἀλλ' ἑτε-
ροῦ τ.σ. ὅπερ ἀν σοι γένηται δῆλον καὶ τῆς Ἐ' Ἀριστοτέλεος ῥήσεως ἐ-
χούσης ὡδε: ὡς πᾶρ γὰρ τῷ γεωμέτρῳ οὐκ ἐτι λόγῳ ἔστι πρὸς
τὸν

τὸν ἀναιροῦντα τὰς ἀρχὰς, ἀλλ' ἦτοι ἐτέρας ἐπισήμης, ἢ κοινῆ πασῶν, οὕτως ἰνδὲ φυσικῶ. Ita τῶ, pro articulo habet, & vocem supplet, φυσικῶ; quæ in nostris libris desideratur. Præterea pro his: ἢ πασῶν κοινῆς, in genitivo; Galenus legit κοινῆ, hoc est, communiter. Quod & explicat deinceps: Τοῖς γὰρ ἀναιροῦσι τὰ ἐναργῶς φαινόμενα, ἢ κοινῆ πάντας ἀνθρώπους μέμφεσθαι προσήκειν, ὡς ἀνατρέπουσι τὸν εἶον, ἢ τέχνῳ τινα ὑπὲρ τῶν ἀρχῶν ἀγωνιζομένῳ προσήσασθαι. i. Iis enim qui manifeste apparentia tollunt, succensere oportet: utpote qui vitam destruant; aut aliquam artem opponere, quæ pro principiorum salute pugnet. Utraque lectio defendi potest, sed mihi prior præferenda videtur. Tum quia, ut dixi, hanc habent omnes libri, tum quia magis Aristotelica. Magis enim Aristotelica, quæ magis plene veritatem tradit. Hoc enim vult Aristoteles: ut Geometræ non est ratio adversus eum, qui tollit sua principia: sic nec cuiquam professori cujusque scientiæ particularis, ratio est de principiis, hoc est, qua probet sua principia, ejus scilicet scientiæ, quam profitetur. Sic & πασῶν κοινῆς, malim legere, ut in editis libris, quam κοινῆ πασῶν hanc enim lectionem solus Galenus: illam nobiles Aristotelis interpretes, Themistius, Simplicius, Philoponus agnoscunt, & πασῶν κοινῆν ἐπισήμην exponunt aut metaphysicam, aut dialecticam.